

Headline	NICE jangka dapat sambutan luar biasa	Language	MALAY
Date	28. Nov 2007	Page No	25
Media Title	Utusan Malaysia	Article Size	248 cm2
Section	Dalam Negeri	Frequency	Daily
Circulation	238082	Color	Full Color
Readership	833287		



NICE jangka dapat sambutan luar biasa

Oleh LAUPA JUNUS

KUALA LUMPUR 27 Nov. - Pameran dan Persidangan Inovasi Kebangsaan (NICE) 2007 yang bermula semalam, dijangka mendapat sambutan luar biasa orang ramai dengan tumpuan kepada mesyuarat Majlis Inovasi Kebangsaan (NIC) kedua, pada Jumaat ini.

Menteri Sains, Teknologi dan Inovasi, Datuk Seri Dr. Jamaludin Jarjis berkata, mesyuarat pertama NIC yang diadakan pada 4 Disember tahun lepas, telah memutuskan supaya pameran inovasi yang diadakan sempena mesyuarat tersebut dijadikan acara tahunan.

Mesyuarat tersebut, katanya, melibatkan 38 ahli terdiri daripada pakar tempatan dan antarabangsa serta firma perundangan yang dilantik bagi memberi input kepada kerajaan untuk menggubal model inovasi.

"Pada tahun ini, NICE 2007 yang diadakan di Pusat Dagangan Dunia Putra (PWTC) mempunyai signifikan, selaras dengan usaha untuk mewujudkan kesedaran mengenai kepentingan inovasi serta merangsang serta menggalakkan budaya inovasi di setiap peringkat masyarakat, khususnya generasi muda," katanya.

Beliau berkata demikian pada sidang akhbar mengumumkan pengumuman NICE 2007

di sini, baru-baru ini.

Katanya, NICE 2007 yang berakhir pada 30 Disember dan bertepatan Inovasi Untuk Menjana Kekayaan dan Kesejahteraan Sosial turut diisi dengan pelbagai program dan aktiviti melibatkan persidangan, pameran, bengkel dan sesi plenari.

Kata beliau, sempena pengumuman NICE 2007 juga, satu pameran diadakan yang menampilkan bahan-bahan inovasi sains dan teknologi semasa dengan tumpuan kepada produk, perkhidmatan, inovasi sekolah dan inovasi akar umbi.

Pameran tersebut terdiri daripada 30 pameran akan umbi, kategori produk (20), perkhidmatan (14) dan sekolah (10).

Menurut Jamaludin lagi, pameran tersebut turut disertai oleh agensi penyelidikan yang menerima geran penyelidikan daripada kementerian, manakala acara yang dijangka paling menarik perhatian ialah Pameran Angkasawan.

"Pameran angkasawan memberi peluang kepada pengunjung untuk bertemu angkasawan negara, Dr. Sheikh Muszaphar Shukor Sheikh Mustapha," ujarnya.

Turut diadakan serentak sempena NICE 2007 ialah empat acara terbesar iaitu Persidangan BioMalaysia 2007, Waste 2 Wealth atau W2W (daripada bahan sisa kepada bahan ber-



guna), RoboFest dan Nanotech Malaysia 2007.

Persidangan BioMalaysia merupakan acara perdana tahunan yang menemukan profesional, eksekutif, usahawan, pelabur dan penggubal dasar dari seluruh dunia menubuhkan jaringan dan berkongsi pendapat.

RoboFest pula merupakan satu pertandingan robot yang melibatkan beberapa peringkat iaitu institusi pengajian tinggi, sekolah menengah dan rendah bertujuan merangsang minat peserta pertandingan dan pelawat dalam bidang inovasi.

Dalam pada itu, Nanotech Malaysia 2007 pula merangkumi simposium dan forum bertujuan meningkatkan pengetahuan dan pendedahan mengenai pembangunan penyelidikan nanoteknologi semasa.

Pada masa yang sama, pengumuman W2W pula bertujuan supaya rakyat menyedari kepentingan teknologi sedia ada untuk menjaga kekayaan daripada hasil buangan.

"Sempena persidangan kali ini juga, satu majlis penyampaian Anugerah Inovasi Negara 2007 akan diadakan pada Jumaat dan pemberian Anugerah Frost & Sullivan kepada Mimos Berhad serta beberapa dokumen antara agensi kerajaan serta syarikat swasta," ujarnya.